

CENTRAL PARK!



AYINAABIN CENTRAL PARK

Iwe Central Park nitam ge-waabanjigaadeg akiikaanan. Gaawiin akiikaanan gii-ijigaadesinoon, dayegoch "wawezhiganikaanan gemaa ji-onji-bagidinaamong." Gii-nitaa-izhaam Central Park wiiba 190 ekiiwang. Gii-dazhi-odaminom imaa, gii-gidochigem zhigwa mamaachaagin gitigaanan. 2008 gaa-akiiwang, gichi-oodena Winnipeg gii-maajichigewag ji-onatoowaad akiikaanan. Igi Scatliff+Miller+Murray ogii-onibii'aanaawaa' iwe. Ogii-wiidanokiimaawaa' gechiwaag imaa gaa-daanid ji-onibii'amowaad aaniin ji-izhinaagwadinigin ini akiikaanan. Bima'adoon akii-mazina'igan, mooshkinebii'an eshkwaay ayinaabiyan Central Park.

Waddell Fountain

400 Cumberland Ave

Iwe Waddell Fountain awashime 100 dasowakiwan. Aapiji wawezhiichigaadewan bebakaan ondaabandaman ini nibiin gaa-ziijijiwangin, naanaasaab izhinaagwadoon bigo onzaabandaman. Apii 2010 gaa-akiiwang, ji-gii-nanaa'ichigaadeg iwe gaa-ziijijiwang. Gii-naniskonigaade, bakaan gii-nanaa'ichigaade. Niiyaab gaa-izhi-naabatoowaad, ji-ganandawaanig.

Knox United Church

400 Edmonton Street

Apii 1914 akoo 1918 gaa-akiiwangin, iwe Knox United gii-ozhichigaade. John G.H. Russell ogii-onibii'aan. Mii iwe Late Gothic Revival gaa-ijigaadeg mewinzha izhichigewin. Gimaaminonaabandaanaadog bangji wanising iwe aakoziwigamig. 2010 gaa-akiiwang, gii-baaginigaade iwe aakoziwigamig. Bezhig asin gii-bangishin, oodekanaang gii-inagoojin. Agaamikana Edmonton Street inaabyan, giga-waabamaa a'a asin gii-dagonind gikinawaajichiganing.

Hoover and Town House

368-370 Edmonton Street

Daabishkoo owe gichi-waakaa'igan, niibowa gii-niibidekidewan imaa Central Park i'i apii. Niibowa ini gii-naniskonigaadewan, owe eta aanikesijigan gii-ishkose. 1901 gaa-akiiwang gii-ozhichigaade, apii Queen Anne Revival Style gaa-ayaamagak, mii niibowa gaa-izhichigaadegin dinookaanommaa North America akiing ningodwaak dasowaki apane.

MacDonald Building

344 Edmonton Street

Winnipeg onji Smith Carter ogii-onibii'aanaawaa' owe waakaa'igan 1958 gaa-akiiwang gii-ozhichigaade. Gii-ozhichigaade ogimaawinag ji-dazhibii'igewaad. Agwajaya'ii Tyndall asin inind gii-aabadizi. Agwajiaya'ii Winnipeg ondinigaazo a'a asin, awashime 450 million dasowakiwine. Besho inaabyan, gidaa-waabandaanan gete-okanan onji gete awesiwag zhigwa gaa-gii-nitaawigingin iwe apii gaazoomagakin imaa asiniing.

DYI Field

Corner of Edmonton St & Ellice Ave

Iwe DIY Field gaa-ijigaadeg 38 badakidewan waasikonengjangan. Canada onji Germain Koh ogii-ozhitootan ji-waabanjigaadenigin. Miskwaanzhe, ashkaanzhe dago ozhaawashkwaanzhewan endasingin bedakidegin. Niswi maagoniganan atewen endasingin, gidaa-ipidoonan ji-meshkwadaanzhegin. Giishin awashime bezhig maagonaman, meshkwadaanzhese, bakaan idash inaanzhe.

Central Park

Aanagi-awashime ningodwaak dasowaki onji ayaamagak Central Park, gagaana dasing gii-bi-aa'aanjichigaade. Noongom gaa-izhinaagwak Central Park, 2012 gaa-akiiwang gii-inachigaade iwe. Igi Scatliff+Miller+Murray ogii-onibii'aanaawaa' iwe. Gii-onachigaade imaa niyyo-akiiwinigaag ji-zhooshkwajibewizong /odaabaanaak gaye onji, ji-dazhi-odaminong mitaawangaag, nibiing gaye, bashkwaang, ji-bakobiyan gaye, nibiing ji-dazhi-izhichigaadeg bakaan ji-izhi-odaminowin.

Warwick Apartments

366 Qu'Appelle Avenue

Iwe Warwick gaa-ijigaadeg, 1909 ekiiwang gii-ozhichigaade. William Wallace Blair ogii-onibii'aan. Gichi-inendaagwad odaanaang gaa-gii-bi-izhichigaadegin waakaa'iganan omaa Winnipeg. Bizhishig gii-ikidom mii gaa-onji-izhichigaadegin waakaa'iganan gaa-abitamowaad Winnipeg onji awiyag. Gaa-gii-onibii'ang ogii-izhitooton ji-dawaag gizhibaaya'ii ji-daang, izhitood gaye niibowa waaseniganan ji-ayaamagakin zhigwa desijigaadegin ji-onzaabing. Iwe Warwick asiniig zhigwa asiniikaanag gii-bi-aabadiziwaad ji-izhichigaadegin odaanaang waakaa'iganan.

Regency Towers

411 Cumberland Avenue

1964 gaa-akiiwang gii-ozhichigaade iwe Regency Towers gaa-ijigaadeg, maawanj eshpakideg omaa Winnipeg. Abooshke gii-ikidom maawanj mechaag ebiichigaadeg gegoo omaa Canada akiing, maawanj niibowa ji-abiichigaadegin omaa Canada, 407 dasingin. Imaa Regency Towers, adaawigamigoons gii-ayaamagad, gida'iiman ji-biinichigaadegin, bagizowin, zhigwa ji-dazhi-okwiinong. Gechiwaag debaajimowaad mazina'iganing "ogii-mamiikwaadaanaawaa" niibowa awiya jaakendamowaad apii gaa-baakinigaadenig.

Central Park Pavilion

400 Cumberland Avenue

Iwe Central Park Pavilion David Penner, Winnipeg onji, ogii-onibii'aan iwe gii-ozhichigaadeg 2010 gaa-akiiwang. Bagizowin ayaamagad zhigwa nibiing ji-dazhi-odaminong, zaaga'amoowigamig, ji-meshkwajikonayeyan, zhigwa aabajichigani-biindigamig. Gii-inachigaade iwe waakaa'igan biindig ji-inaabyan aaniin ayinakamigak. Aanind waaseniganan gii-izhichigaadewan daabishkoo mikwam ji-agoked waaseniganing, zhigwa gaye ji-biinzaabisig awiya endaawining.

Central Park Wading Pool and Aquatic Play Pad

400 Cumberland Avenue

Ji-bakobiyan imaa, ji-dazhi-odaminong gaye nibiing, mii iwe gii-dagose gii-mangichigaade onji iwe Central Park, Scatliff+Miller+Murray gaa-gii-onibii'amowaad. Anaamakiing onjise nibi, mii ezhi-gwaashkwebideg, minisiinsan gaye ayaamagadoon. Aakwaasikonegin waabigwaniikaanan zaswebideg nibi ji-dakaabaawazod awiya gizhaatenig.

Iwe Winnipeg Architecture Foundation gaa-ijigaadeg gaawiin gashkichigesiwag, agindeg ji-inateg, ji-wiiji'iwewaad ji-gikendaagwakin gegoona gaa-gii-bi-ozhichigaadegin omaa Winnipeg.

Giiyaabi gegoona noonde-gikendaman ini Winnipeg gaa-gii-ozhichigaadegin, akiing ayizhinaagwakin, gaa-gii-onibii'igewaad, izhaha imaa winnipegarchitecture.ca.

Owe gichi-oodena Winnipeg zhigwa iwe West End Biz gaa-inindwaa ogii-ozhitoonaawaa' owe.

Akii-mazina'igan Kaj Hasselriis ogii-ozhibii'aan. Burdocks gii-onibii'ang.



CENTRAL NEIGHBOURHOODS
Centennial • West Alexander • Central Park